

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 133. stav 2., članom 134. stav 5. i članom 139. stav 3. Poslovnika Skupštine Zeničko-dobojskog kantona - Treći prečišćeni tekst („Službene novine Zeničko-dobojskog kantona“, broj: 14/18, 18/18-isp., 7/19, 7/20 i 16/23), na prijedlog Ministarstva finansija, Vlada Zeničko-dobojskog kantona, na 8. sjednici, održanoj dana 21.12.2023. godine, d o n o s i

## ZAKLJUČAK

### I.

Vlada Zeničko-dobojskog kantona utvrđuje Amandman II na Prijedlog Budžeta Zeničko-dobojskog kantona za 2024. godinu, koji glasi:

### „AMANDMAN II

U Prijedlogu Budžeta Zeničko-dobojskog kantona za 2024. godinu, u članu 3., u dijelu II. POSEBNI DIO (Rashodi i izdaci po budžetskim korisnicima), na razdjelu 23, budžetska organizacija 01, potrošačka jedinica 0001 - Ministarstvo za poljoprivredu, šumarstvo i vodoprivredu, ekonomski kod 614100 - „Tekući transferi drugim nivoima vlasti-budžetska sredstva“, naziv pozicije, odnosno riječi „Tekući transfer za Institut za zdravlje i sigurnost hrane Zenica za projekte iz oblasti veterinarstva“, mijenjaju se i glase „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“.

### II.

Zaključak sa obrazloženjem upućuje se u dalju skupštinsku proceduru.

### III.

Zaključak stupa na snagu danom donošenja.

**PREMIJER**

*Nezir Pivić*

Broj: 02-11-19018/23

Datum, 21.12.2023. godine

Z e n i c a

DOSTAVLJENO:

1x Ministarstvo finansija,

1x Ministarstvo za poljoprivredu, šumarstvo i vodoprivredu,

1x Stručna služba Skupštine,

1x Stručna služba Vlade,

1x a/a.

## **O b r a z l o ž e n j e**

### **I. PRAVNI OSNOV**

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/10 i 3/23), članu 133. stav 2., članu 134 stav 5. i članu 139. stav 3. Poslovnika Skupštine Zeničko-dobojskog kantona – Treći prečišćen tekst („Službene novine Zeničko-dobojskog kantona“, broj: 14/18, 18/18-isp., 7/19 i 7/20).

Članom 16. stav 4. Zakona o Vladi Zeničko-dobojskog kantona, propisano je da se zaključkom utvrđuju stavovi i pitanja od značaja za provođenje utvrđene politike, uređuju unutrašnji odnosi u Vladi i određuju zadaci kantonalnim organima uprave i službama Vlade.

Članom 133. stav 2. Poslovnika Skupštine Zeničko-dobojskog kantona, propisano je:

„Pravo predlaganja amandmana ima svaki poslanik u Skupštini, svaki klub poslanika radna tijela Skupštine i Vlada.“

Članom 134. stav 5. Poslovnika Skupštine Zeničko-dobojskog kantona, propisano je:

„Podnosilac prijedloga zakona može da podnosi amandmane do završetka pretresa prijedloga zakona.“

Članom 139. stav 3. Poslovnika Skupštine Zeničko-dobojskog kantona, propisano je:

„Amandman podnosioca prijedloga zakona, kao i amandman drugog ovlaštenog predlagača sa kojim se podnosilac prijedloga saglasio postaje sastavni dio prijedloga zakona.“

### **II. RAZLOZI ZA DONOŠENJE**

Ministarstvo za poljoprivredu, šumarstvo i vodoprivredu Zeničko-dobojskog kantona se svojim aktom broj: 05-11-18796/23 od 18.12.2023. godine obratilo Ministarstvu finansija Prijedlogom Amandmana na Budžeta Zeničko – dobojskog kantona za 2024. godinu.

U obrazloženju navedenog akta je navedeno da su u Prijedlogu Budžeta Zeničko-dobojskog kantona za 2024. godinu planirana su finansijska sredstva u iznosu od 150.000,00 KM za projekte iz oblasti veterinarstva i bilja, a ne samo za projekte iz oblasti veterinarstva, te s obzirom da se radi o tehničkoj ispravci u nazivu tekućeg transfera, predlaže se amandman kojim bi izmjenio naziv transfera, a iznos planiranih sredstava ostao nepromijenjen.

Imajući u vidu navedeno, u skladu sa opredjeljenjem Vlade Kantona, predlaže se utvrđivanje Amandmana II Vlade Zeničko-dobojskog kantona na Prijedlog Budžeta Zeničko – dobojskog kantona za 2024. godinu, na način da se u članu 3., u dijelu II. POSEBNI DIO (Rashodi i izdaci po budžetskim korisnicima), na razdjelu 23, budžetska organizacija 01, potrošačka jedinica 0001 - Ministarstvo za poljoprivredu, šumarstvo i vodoprivredu, ekonomski kod 614100 - „Tekući transferi drugim nivoima vlasti-budžetska sredstva“, naziv pozicije, odnosno riječi „Tekući transfer za Institut za zdravlje i sigurnost hrane Zenica za projekte iz oblasti veterinarstva“, mijenjaju se i glase „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“.

### **III FINANSIJSKA SREDSTVA**

Za donošenje i realizaciju ovog Prijedloga Zaključka nisu potrebna dodatna finansijska sredstva.